

翻刻

日本樂府

099918-000-3


919.5-R15nM

日本樂府

賴山陽／著

M10

DBV-2625




919.5

R15n

M

9195R15mM



沈君蘋香嘗遊長  
崎島於市中得日  
本樂府一冊持以  
示余為題其後二

賴久太郎著

初編  
日本  
樂府  
石



賴氏藏板

244642

首

文教敷東國洋：播

大風傳來新樂府

寶比李尤三

謂李賓之稽尤西堂也

古聯珠璧斟今改異

同

天朝未嘗有還擬

質羣公

詩才真幼婦史事  
表吾妻日月無私  
照風雲漸向西雄  
文標玉管彩筆敵

金閨肉說扶桑近  
高攀未可躋

勾吳錢泳題



右五言律詩二首清國梅溪錢氏嘗讀我先考山

陽老人所著、日本樂府所作焉、字字色絲、首首幼婦、而其詩先考易簧後、經三裘葛、始寄送京師、嗟呼先考逝矣、錢公亦逝矣、今改彫斯書、俯仰感愴、弗能自禁、因摸勒以附其後、

明治十年二月


男

賴復識



日本樂府目次

- |      |      |
|------|------|
| 日出處  | 三韓來  |
| 炊烟起  | 四天王  |
| 大兄靴  | 復百濟  |
| 放虎南  | 和氣清  |
| 遣唐使  | 城伊澤  |
| 髻亂天皇 | 賢聖障子 |
| 脱御衣  | 大絃急  |
| 檢非違使 | 主殿寮  |



七日關白

月無缺

赤白符

劍不可傳

朱器臺盤

藻薜門

烏帽子

鼠巢馬尾

鵝鴨起

鼓擊余

逆櫓

大天狗

獅子身中蟲

繅絲

尼將軍

吾妻鏡

君好戰

補窗紙

蒙古來

南木夢

十字詩

東魚西鳥

龍馬來

土窟

翻覆手

劍截箭

烏頭白

吾是璽

六分一

兩塊肉

烏鬼舞

頭戴脚

新國君

蘆雜節

攬英雄

破戒頭陀

胡蝶軍

筑摩河

皮履兒

吉法師

桶子峽

兩雄頭

天目山

啗饅頭

本能寺

挈鞋奴

罵龍王

碧蹄驛

夜叉來

裂封冊

通計六十六閱

序



客冬賴子成詠史樂府成、或獲其自書稿木來示、余  
 為題之曰、讀子成樂府、如舟行霧中、茫乎不見津涯、  
 凝眸審覽、而後稍稍分山辨樹、每遇勝處、輒欣然拊  
 掌歎賞、然余惜國史竟不能悉解、今就所解評之、其  
 婉而雅者、昌黎臣罪當誅、天王聖明之法、亞直而勁  
 者、亦不落少陵慎莫近前、丞相嗔之下、蓋子成著作  
 率出特見、以氣行之、故喝喊豪放、時乏冲澹之趣、而  
 鏤刻穠纖、取媚時流者、則斷無之、要之在侘人則窮

年兀兀不能得其一二、子成乃以臘尾探梅餘興、作此六十六首、求諸古人、亦宜少比焉、昔范陸諸公、不與東坡同時、以其詩難註為恨、余則為子成友遇、而居纔隔一水、他時滹沱從遊、叩以所未解、因聞微意所在、則不亦生涯之一大樂事哉、既而聞其門人牧信侯為之註解、余疑其能得子成之意乎、抑面受之也、曰特註其事而已、余曰善矣、我邦讀史者、多詳於彼、而略於此、此篇上自人皇、下至近世、其間君臣之邪正、世道之污隆、逐次羅列、巨細略備、學史者、不可

不讀焉、不獨其詩超越時調、足範後學也、而其讀焉者、如余嚮不能悉解者、蓋十八九、故不可無註也、若夫頌德誅奸、嫉闢葺之得志、恨英雄之不振、抑揚權衡、所謂出其特見者亦多、是不可盡註也、唯因註以諳其事、玩詞以思其意、凡子成所賦、其美刺皆能似詩人之比興否、其取舍皆能不畔麟經之褒貶否、其雅馴者、我將誦而習焉、其可疑者、我將就而正焉、果然則學者之得益於此、自詩進於史、自史進於經、非淺鮮也、乃從史信侯、刊而行世、書此言於卷首、以告



日本樂府  
讀者文政己丑嘉平月畏堂筱崎弼撰

註日本樂府敘

我邦特立於大洋中、不知其廣袤何如漢土、而至人物之盛、未嘗小讓焉、所惜者、士人常慣讀彼中書、而不屑閱國典、故有磊磊軒天地者、而或未之識也、我翁常慨之、嘗有外史之著、刪修前志、約為數帙、而人猶有不終讀者、客冬翁乘歲暮間暇、偶咏國事、行以樂府体、得凡六十六闋、既成、示輓輓、受讀之、本邦開闢以還、治亂興廢之機、英雄忠烈之槩、與夫奸猾佞邪之蹊徑、因其事實、析情偽於隻句零字之間、瞭然

如明鏡一照、妍媸悉現、前人所謂詩史者、預為此集目也、宋葉水心氏有言曰、文章不足闕世教、雖工無益、謂詩文之不可徒作也、余觀近人詩、其聲律非不工、綴非刻、鏤風雲月露、則彫鏤花木蟲魚、連篇累牘、萬喙一樣、使人嚴觀、寧有毫毛補於世哉、如翁此舉、雖出一時消閒之枝、其闕世道人心與否、讀者自能辨之、然使其詞不工、則亦不至感譏人如此爾、夫工而闕於世教、又易於終讀、吾輩當人置一本、遂請刻而傳之、恐讀者或不諳其本事、余故就史傳搜檢之、

每篇略註其事跡、間表帝室將家系統、見其條貫、至變革大節目、特疏而揭之、而如作者之微意、則不暇一一詳之、又不可得而詳也、亦在讀者之自能辨之而已、己丑之秋九月初吉、美濃牧輓梓撰于平安銅駝坊之寓居

讀日本樂府評語十二則

六十六闕、吾邦開闢以來、不可無此文宇、而人未做者、

有史才者無詩才、有詩才者無史才、山陽奄有兼出、故有是六十六闕、

近人詠史諸作、似巧而黠、似深而淺、與晚唐人劉項元來不讀書等、大抵相類、故余於咏史詠物二体、甚不喜讀也、如六十六闕、則否、每誦數遍、不忍釋手、其所議論、如諷如諭、或華或朴、似漢人樂府、又

似漢人童謠、蓋山陽學遠于古、才妙于詩故也、  
六十六闋、設題極雅、深得古意、有客病其多用國語、  
頗欠分明、余曰、欠分明處、最此妙處、如古樂府上  
留田上之田之類、未聞作者自註其由、若客則病  
其欠分明、余則病其易分明、客詰曰、何為易分明、  
曰、每日忙了其半、翻擷六國史以下、敎部卷冊、則  
一一太分明、

凡詩用國語、撰擇字面、須要雅馴、妄意施用、大屬無  
稽也、後來作者、恐不得不以山陽為法、

六十六闋、所有文字、悉是與古來賊臣誅心之利刀、  
與古來謬臣結舌之鐵索、又與古來恨人照寃之  
明鏡也、

六十六闋、每闋不過四五十字、短者僅二十字許、其  
迨一百字、唯蒙古來一篇耳、然腕靈舌妙、意暢神  
酣、有百億萬字、亦不可包盡者、或讀之、驚詫曰、吾  
人所弄同一筆管、彼持何靈也、曰、昔者有神依石、  
石則能言、依樹、樹亦能言、蓋同一筆管、有神而依

石  
後開蒙古來特因  
曰構刪潤之也

山陽胸中文字、不止六十六闕、雖六六三百六十闕、亦隨手做得、然佗固老狐精、姑作遁辭曰、恰合州數、

世人作文者、好詬徠翁、作詩者、好詬服翁、不唯世人善詬、山陽亦復時詬、如是六十六闕、固是絕唱、然世或有詬者出、予但未知其如何詬也、

歷下太倉舊矣、已而公安竟陵、已而新城歸愚、已而隨園甌北、尸祝祧遷、如夢如痴、誰如吾山陽之出頭立脚、自出手眼、做人所未做哉、但未知今後字

內才子、別從何處樹幟標新、具自家面孔、湏眉乎、若徒震山陽之名、爭摸競撫、非善學山陽者、近日後生作字、多優孟山陽、有客示一詩卷、戲題其後云、舉世傳播賴家脚、都門一樣字、渾肥、是不唯書然也、

余與山陽善、世譏余以為阿其所好、若人不唯不知山陽、遂併不知余也、問不阿所好、何以為證、曰平心讀此六十六闕、

山陽寄示此什、使題一言、余懶搆文字、但意所會、則

隨筆之、余唯知有山陽、不知其肯不肯也、

竹田陳人田憲識

後敘

機嘗讀正享至今名公臣匠詩集、大抵多近體而少  
古風、偶或為之、亦有似強作備體、冗漫無法者、是其  
所以遜漢士大夫、豈以翡翠蘭苔、易以娛目、而碧  
海掣鯨、難於措手乎、然亦有勢使然者焉、夫老杜以  
詩為史、韓蘇以詩助文章、所未到、而皆感遇敘述、非  
古賦、莫以盡其所欲言、爾來諸大家、概无不然、若我  
邦人、則畫於詩者多矣、即其否者、亦以詩為嘲哂風  
月之具而已、其乏變化坐此、不足以感發人、亦坐此、

至今日，乃有我賴翁出，翁有用世之才，不得一試，而發諸史筆文章者，泉湧瀾翻，溢為韻語，吊古敘事，輒用古體長篇，尤極變幻，沈鬱豪放，魁竒雄杰，蓋欲為老杜韓蘇所為者也。然後進不唯不敢於學，即讀翁所作，未竟篇，久伸從之，莫能詳其所賦何事，况遑尋繹其法度音節乎。機嘗病焉，近得翁咏史樂府，喜曰：是足以誘後進矣。蓋就國乘中，擬其可勸懲者，咏之，不必擬漢魏，而古朴琅鏘，又切事情，篇雖皆短，意則長矣。其一韻者，轉韻者，韻之似複者，句之單者，長短

者，莫不皆有，似肆實嚴，似粗實精，後進以其短易讀，讀而玩之，審其開闔轉摺之法，抑揚疾舒之節，更取翁諸大作讀之，皆以此法推之，則必感幾興起，知古風之易作，而不見其難焉。自今以往，邦人之詩，庶幾不減西土，而詩不為無用之物，則翁為之倡也。倡自此什始，機嘗侍翁修史，而與有校焉。其敘近古英雄爭戰之蹟，其篇章有長者，有短者，短者非促，長者非濶，其敘事用筆，始非有二法也。然先觀其短似促者，可以窺其法，今於觀此樂府，亦云。

文政十二年己丑冬月美濃後藤機世張謹題于浪  
華僑居

樂府

山陽外史擬製

美濃 收輓

日出處

日出處日沒處兩頭天子皆天署扶  
長安洛陽天未曙羸顛劉蹶趁日沒東海一輪依舊  
出

神武天皇起於日向東征平定山跡都之曰大和  
又曰日本遂以為國號推古帝時遣使遺隋主書  
曰日出處天子致書日沒處天子無恙及通於唐  
未嘗受其冊封詔令之式稱大日本天皇又稱大



八洲天皇國有八洲也

三韓來

東征涉冥勃吾妻先我沒西伐入峽岬吾兒先妻沒  
何知娘子攝軍擣巢窟兩死社稷昌其後患難持家  
有健婦胎中天皇腕肉凸肖乃父祖非肖母龍顏垂  
淚侍臣哀先皇不目三韓來

自神武十傳至崇神置四道將軍四征不庭崇神  
傳垂仁垂仁傳景行景行皇子小碓魁梧雄武時  
筑紫熊襲叛遣小碓一戰平之號曰日本武尊已  
而遣經畧東國軍濟相模海遇颶舟殆覆時妃橘  
媛從曰是海神為崇妻願以身當之自投海死風  
止得濟既而東夷盡平還過碓氷嶺懷妃東望長

呼曰吾妻吾妻世呼東國稱吾妻始是而吾妻與  
東宇國訓互用矣皇子還勸美濃賊創病薨景行  
欲以皇子為嗣會其薨乃立其弟是為成務帝而  
帝傳之仲哀帝帝日本武尊第二子身長十尺會熊  
襲再叛與新羅連勢帝親西征皇后勸直擣新羅  
帝不果擊熊襲創病崩于行宮后時有娠秘授不  
敬不兵當筑紫諸賊而遂自將舟師征新羅出其  
不意下之約歲幣而還至筑紫皇子乃生是為應  
神帝帝生神異腕上肉起如鞞似后椎裝負鞞故  
名譽田譽田國語鞞也亦稱胎中天皇後數歲新  
羅與百濟高麗盡來貢帝泣曰是先帝所欲見而  
不及者也群臣皆為掩涕自是三韓永為我屬國  
朝貢不絕經藉傳至亦於此時後置日本府於任  
那遣將都護焉成務以前皆父子相承以日本武  
功大特立仲哀自此皇統百二十傳皆日本武之  
胤也

炊烟起

烟未浮天，皇愁烟已起。天皇喜，漏屋敝衣，富赤子。子

富父貧，無此理。八洲縷縷百萬烟，簇擁皇統長接天。

仁德帝以應神長子嗣立，都難波，登臺見人家炊烟不起，知百姓困乏，乃躬跡儉宮垣，頽敗不修，除課稅，振窮困，比及三年，復登臺望見炊烟盛起，帝喜，謂后曰：朕既富矣，復何憂乎？后曰：屋漏衣敝，何謂富乎？帝曰：民既富，則朕亦富也。未嘗有民富而君貧者也。後人頌作歌曰：高屋爾登而視者，烟起民之窳者，爾計里。

四天王

皇子頭戴四天王，大連之箭不得傷。犁汝宅兮建我寺，伽藍連雲七寶光。四天王外無天王。

自仁德十四傳為欽明帝，帝時百濟貢佛像，經論大臣蘇我稻目信之朝論不可，敏達用明皆以欽明子相繼即位，稻目子馬子信佛，用明皇子，遂與有與之善，大連物部守屋素不喜佛，務斥之，遂與有隙，及用明崩，大連欲立皇子，穴穗部置尸與馬子謀率兵攻守屋，既戶嘗造四天王像，置之髻中，督兵而進，遂滅之，立崇峻帝，蘇我氏出也，創四天王寺，取守屋田宅奴婢為資，後帝稍壞馬子專權，欲誅之以告既戶，既戶止之，馬子聞之，終殺帝，立欽明皇女，是為推古帝，既戶立為儲嗣，會其薨，乃立敏達皇孫，是為舒明帝。

大兄靴

大兄靴靴脫，鞠墜足蹉跎。鞠墜猶可拾，社稷墜可如。何手捧君靴，納君足。君足一踢斃妖鹿，臣手再植扶。

桑木

皇極帝以敏達曾孫女即位蘇我蝦夷與子入鹿  
 連專朝政刑弱宗室既殺山背王僭逆滋甚竊懷  
 非望中大臣鐵足陰圖除之而意宗室中可與有為  
 者唯中大兄中大兄舒明皇子也然不得通情一  
 日陪諸皇子亦跪受之由是情好日密遂謀誅入鹿  
 奉之皇子亦跪受之由是情好日密遂謀誅入鹿  
 父子天下始安於是皇極禪位於同母弟輕皇子  
 是為孝德孝德崩皇極重祚曰齊明天皇以中大  
 兄為太子實天智天皇天皇親定制號曰中宗  
 又稱太宗

復百濟

唐欲取百濟吾欲復百濟怕婦男子是皇帝佳賊為  
 將逞吞噬資汝兵食護汝行奈汝自壞萬里城唐與

吾孰得失忠義孫子踏海來長為王臣護王室

齊明朝天智為皇太子總軍國事唐高宗遣將李  
 勣助新羅伐百濟滅之百濟臣鬼室福信圖恢復  
 使使於我乞援兵且請迎其所質於我王子豐以  
 為主詔許之皇太子輔帝親帥舟師西征帝崩於  
 朝倉宮天智復發兵五千護送王子豐又遣舟師  
 糧仗資之遂立豐為百濟王而王猜疑福信殺之  
 衆心不附新羅與唐乘之我軍不利王奔高麗百  
 濟遂亡遺臣鬼室集等皆來歸於我我給田不置  
 諸國怕婦男子謂高宗佳賊謂李勣並詳于唐  
 書

放席南

放席南席眠酣席視耽大風一起席生翼關西草木  
 皆無色當初被席以袈裟爪牙皆露可奈何

天智帝大漸、名皇太弟大海人、屬以後事、時皇子  
大友、為皇太子、太弟稱病、固辭、請為、傳、許、之、即日  
自剃髮、敕賜袈裟、太弟遂入吉野、時人為之語曰、  
是放虎於山也、既帝崩、太子尋即位、太弟稱兵、吉  
野、東行至伊勢美濃、募兵塞鈴鹿、不破兩道、直進  
兵犯滋賀、帝走崩于山前、太弟即位、是為天武、天  
皇、

### 和氣清

和氣清、改清為穢、不損清、清氣浩浩塞天地、護得赤

日天中明、臣舌可拔、臣語不可屈、三寸舌、萬古日、

孝謙帝以女主、廢僧道、鏡拜大政大臣、專政、宇佐  
廟祝希旨、奏言、受神敕、曰、令道鏡登位、天下太平、  
道鏡聞之、稍懷非望、帝乃令和氣清麻呂往奉幣  
宇佐、質神、敕臨、讚道鏡、按劍曰、使余得天位、有厚

賞、不則有劍耳、清麻呂既還、奏曰、神敕我朝、天日  
之嗣、必立皇統、道鏡何者、敢亂天位、宜早誅除、道  
鏡大怒、奪其本官、改名穢麻呂、流大隅、光仁帝立、  
乃得召還、光仁為天智之孫、自天武歷文、武聖武  
孝謙、數朝、皆天武裔、至光仁、復天智之統、桓武承  
之、号為中興、

### 遣唐使

遣唐使、留學生、臣清河、臣朝衡、所使、何命、學何道、有

顏能結李家纓、猶知回頭望、出月月出處、即日出處、

### 日光明明海光闊

舒明天皇時、始遣唐使、爾後歷世不絕、又有雷  
學生、阿倍仲麻呂、撰為學生、後遣唐使、藤原清  
河王、欲與共還、遇颶海上、漂至安南、復入唐、二人  
皆留仕唐、至顯官、終不還、仲麻呂改名朝衡、以其

官秘書監又稱朝監嘗望月作歌以寄思鄉之情  
我朝存恤二人家及死贈官

城伊澤

朝城伊澤暮城伊澤將軍驅我天子後天子明見萬  
里外督責將軍不容懈聞有朝臣進讜言即日下詔  
息吾肩詔書來何勉平安城在落日邊

桓武帝以前數遷都滋賀難波之外大抵不出大  
和宇樂最久及帝定都平安大興宮城終百世不  
遷又數遣持征蝦夷指授方畧懸賞不夾諸將退  
撓者詔書切責最後擢阪上田村麻呂為征夷將  
軍城陸奧伊澤談兵戍之蝦夷酋長率眾而降東  
北偶皆入版圖末年召群臣議政事得失藤原緒  
嗣言方今之患在兵與土木請罷此二者以緩民  
力帝嘉納之即日罷諸兵役

髻亂天皇

髻亂天皇古未有負屣而立是元舅父如王鳳子霞  
光十指三結神璽綬當時誰解明主問大政大臣有  
職否

自桓武六傳為文德帝帝欲立長子惟喬為儲嗣  
而憚藤原良房立少子惟仁後即位是為清和帝  
甫九歲良房以外祖攝政良房鐵足七世孫藤原  
氏專權始於是帝未壯歸佛禪位太子是為陽成  
帝時良房既薨子基經代攝政帝昏狂無度基經  
廢之迎立光孝帝帝仁明子桓武曾孫基經入援  
立其皇子定省是為宇多帝光孝嘗設問於諸  
博士曰大政大臣有職掌否於唐朝中何官其所  
對不概見宇多亦欲辨基經為阿衡基經不憚遂  
令諸奏事皆關白於基經攝政關白並始於此後

常為藤原氏所執

### 賢聖障子

紫宸障子列賢聖、衣冠濟濟欲拜跪、可惜無精神、何時獻可否、畫龍求龍真龍出、呼雲釀雨兩未起、逐龍入湫龍窮死、畫龍依舊侍天子、

宇多天皇嘗命畫工、圖殷周以來名臣於紫宸殿障、稱賢聖障子、天皇厲精求治、謀抑藤原氏權、受詔與藤原時平、共輔佐之、參決機務、道真儒家執政、時平素不平、會法皇與帝議、欲以道真為關白、時平益不悅、遂與源光等誣構道真、帝信之、殿太宰權帥、法皇救止之不及、道真終卒於貶所、

### 脱御衣

深宮宵寒脱御衣、朕身聊驗民凍飢、一事喧傳民未補、何知祖澤滄海宇、朕衣稅、朕食租、民不足、朕有餘、早免租水舍、逋兵役、蠲疫厲、除君不見、二十二史外有史冊冊總如漢文紀、

醍醐帝嘗當寒夜、減御衣、曰百姓多凍餒者、朕可忍、獨重裳哉、國史、上自崇神、下至宇多、醍醐、聖明之君、重熙累洽、水旱疫癘、輒有振恤之政、或除租稅、或蠲徭役、類以為常例、彼中二十二中、唯漢書文帝紀似之、後人動稱延喜脱御衣一事、為美典、無知其他者、故言如此、

### 大絃急

大絃急、小絃絕、君王馭下自有訣、誰知張弛不自由、  
小絃大絃皆失節、琴身一角欲欲裂、

朱雀帝醍醐嗣皇、性慈仁、識者以為政過寬、或曰之、帝曰、朕聞政如張琴、大絃急則小絃絕、朕若嚴急下民何堪、帝時政在藤氏、平將門反、陷阪東諸國、官軍討平之、

### 檢非違使

檢非違使不可獲、吾為天皇汝闕白、警報東西來如  
箭、懸賞朱紫不復惜、嗟乎朝廷處置英雄窺不獨新  
皇迎藤太、握手拾飯笑咿咿、

平將門在京師、就攝政藤原忠平、求為檢非違使、忠平不省、將門怒去、關東遂反、置偽官、潛稱新皇、

初將門未東、善藤原純友、共約曰、他日得志、我出王族、當為天子、公藤原氏、當為關白、故純友舉兵、伊豫、以應將門、東西交警、朝廷震駭、救東海、東山二道、懸賞募兵、斬渠師者、賜朱紫、田祿、傳子孫、下野、豪族藤原秀鄉、稱藤原太、聞將門舉事、往候之、將門方梳髮、遽出款接、俱食飯、粒墮前、輒拾食之、秀鄉知其輕平、無度量、遂去、屬官軍、與平貞盛、戮力討滅之、平氏出於桓武、賜姓世為武臣、至貞盛、大著、

### 主殿寮

主殿寮前松火明、率不堂外春草生、滿朝文章疊珠  
玉、翰着老吏語太精、日昃傳餐日沒天、子不聞求諫  
到昏吏、君不見佗夜燭、淚如山、緩漏刻、主殿寮夜如

墨

村上帝、朱雀嗣皇、而力追延喜之治、嘗見一老吏、問當令與延喜如何、吏不敢對、上強問之、吏曰、臣賤、愚、何知、唯覺主殿司多進燎燭、率不堂前、生草耳、蓋謂劇務至、夜租入、火贏餘也、上有漸色、上喜、文雅、教設、內宴、會文士、才薄輩出、隋文帝勤政事、日昃不罷、朝衛士傳餐、

七日闕白

宮門月明宮漏遲、天子欲出猶遲疑、微雲蔽月君速出、太史門前促君馳、君先薙髮、臣辭父、父撫掌、子起舞、表姪為帝爺當國、吾博七日闕白職、

花山帝即位、立皇子懷仁、為儲嗣、母圓融后、藤原兼家女也、兼家欲速立之、使其子道兼謀之、會帝

失寵、嫔悼念不止、道兼賺帝歸佛、日陛下茅去、臣亦奉從、遂乘夜出宮、逃華山寺、時月色清明、帝難之、道兼趣不止、既有雲翳、帝曰、我願成矣、路過天文博士安倍晴明門、會其出觀天象、駭曰、帝坐有變、帝行閉之、而走、入寺、落髮、道兼給帝曰、臣歸面、緯父母、而後來、如約、乃去、終不來、帝始悟悔之、懷仁立、是為一條帝、兼家專政、長子道隆襲職、帝長德中、道兼代兄道隆為關白、歷七日而薨、時人謂之七日闕白、

月無缺

月無缺、日有缺、日光太冷、月光熱、枇杷第中銀海涸、金液之丹利如鐵、既生魄、旁死魄、日月並缺天度別、別有太星光殊絕、



關白藤原道長、義家子、歷事一條三條後一條三朝、權傾內外、子登攝關、女為后、者三人、嘗作望月歌、自喻、歌曰、此世乎、廢我世與所、思望月之、虧太留事、毛、無與思、廢三條帝、嘗心憤、道長擅權、會避災、幸其地、把筭、時帝患眼、太醫進金液丹、遂失明、世稱道長所使也、遂諷遜位、立後一條帝、其外孫也、後相家與王室俱衰、而武門代起、

赤白符

無用赤符用白符、白符有憑、赤符無、五侯第宅連雲起、不省東征絕運輸、將軍何賴擊黠胡、君不見他年赤符不肯割、路旁空弃二酋首、

後冷泉朝、安倍賴時既伏誅、其子貞任猶張、鎮守府將軍源賴義、數戰不利、時連年不登、糧食不給、

賴義、敬奏請兵食、不省、貞任令其黨藤原經清以私符徵、中官物、曰、用白符、勿用赤符、赤符官符也、官軍益困、此時關白藤原賴通專權、一門起奢、後爭構第宅、白河朝、清原武衡家、衡等復亂、陸奧、陸真守源義家、賴義子也、討平之、欲獻二首、首、奏請下、官符、廷議、目為私圖、不許、乃棄二首於道、而還源氏、出於清和、賜姓世為武臣、至賴義、義家、連有戰、勞前者九年、後者三年、東國兵去、槩屬其家、至子孫、終得國、棟實基於此、

劍不可傳

劍不可傳、不傳可、吾不恃劍、吾恃我、太子即身即龍、衆龍躍在淵、五雲裏、倒持之柄、再收奪、跨天老、覓手一截、可惜劍身忽自折、嗚呼、可惜劍身忽自折、

清和以來、政歸外戚、守多、醍醐、頗收、戚、權、旋、復、如、故、後、三、條、帝、在、儲、位、二、十、年、餘、見、藤、原、氏、擅、權、心、甚、不、平、及、即、位、痛、抑、其、權、收、奪、政、柄、關、白、賴、通、悍、帝、威、嚴、退、居、守、治、策、弟、教、通、雖、居、台、輔、備、質、而、已、初、帝、立、為、東、宮、也、藤、氏、以、非、其、出、忌、之、尚、方、有、劍、名、壺、切、例、傳、東、宮、賴、通、不、肯、上、日、縱、雖、正、位、青、闈、非、藤、氏、出、則、不、可、得、帝、聞、之、曰、一、劍、何、用、我、不、欲、為、及、即、位、教、通、上、之、帝、在、位、四、年、崩、太、子、立、是、為、白、河、帝、賴、祖、述、帝、意、既、禪、位、削、髮、曰、法、皇、聽、政、院、中、白、河、以、後、堀、河、鳥、羽、崇、德、三、帝、父、子、相、繼、而、政、常、在、於、白、河、院、政、始、於、此、然、白、河、後、藤、原、繼、讓、成、保、元、之、亂、云、一、截、下、脫、光、武、欲、遍、大、八、洲、一、句、

朱器臺盤

君家朱臺盤、奪彼與、此何為難、自有鼎鼐難得安、小兒覆鉢、大兒羹鼎沸、四海捲狂瀾、火攻先著欺食肉、

涼箭到喉如星落、不從君王啜晨粥、

左大臣藤原賴長負才驕蹇、與兄忠通不相能、忠通時為關白、賴長欲奪之、請於其父忠實、不得、忠實素愛賴長、乃請賴長、內覽大政官文書、又奪忠通朱器臺盤、以授賴長、為氏長者、臺盤、藤原氏重器、唯氏長者得傳之、為恒例、忠實賴通曾孫也、鳥羽上皇以白河法皇意、傳位於太子、是為崇德帝、及白河崩、乃立龜姬子、使崇德傳位、是為近衛帝、帝天鳥羽上皇立廢子雅仁、是為後白河帝、崇德上皇希復位、而不得、又希其子重仁、亦不得、賴長知其不平、力贊舉事、據白河殿、判官源為義等屬鳥源為朝、進夜火、攻禁內之策、賴長不肯、既而帝使下野守源義朝、安藝守平清盛等來攻、義朝乘風縱火、上皇遽出走、如意山、賴長亦中流矢而死、上皇飢甚、夜入智足院、僧進湯粥、終遷讚岐、為義等被殺、為義家孫、義朝為朝、皆其子、時年号保元、謂之保元之亂、

藻壁門

藻壁門中車聲響、白龍魚服却脫網、龍逃將其雌、忍  
遺老龍刀俎危、誰造此謀兩虺蛇、結舌陰吐滔天毒、  
惡衛門督却不惡、

後白河帝禪位於太子、是為二條帝、而上皇猶聽  
政、藤原信西用事、上皇嬖人右衛門督藤原信賴  
恃寵驕肆、世稱惡衛門督、求述衛門大將信西沮之  
信賴遂謀天、大納言藤原經宗、帝舅也、檢非違使  
別當藤原雅方、帝乳母子也、皆贊成之、引源義朝  
為黨起兵、殺信西、幽上皇及帝於官中、已而太宰  
大貳平清盛與其子重成來討、經宗等意中變、勸  
帝由宮夜與皇后乘婦人車、出藻壁門、幸清盛六  
波羅第、上皇自逃幸仁和寺、義朝敗走死、信賴伏  
誅、而經宗雖方負功、弄權、廢上親政、使上皇不得

與上皇怒、使清盛捕流二人、平氏之權自此興矣、  
時年號平治、謂之平治之亂、

烏帽子

八條第中旗幟翻、相國探鎧馬裝鞍、烏帽子、米誰氏、  
何不甯國無寇、能使阿爺起、讓縹襟吐鱗甲、愧我兒、  
欲隨公者、待吾頭墮、烏帽子上有青天、帽子猶在天、  
不墜、

二條帝崩、太子立、是為六條帝、後白河法皇欲立  
其愛子憲仁、是為高倉帝、乃引清盛自助、連進其  
宜、終至大政大臣、削髮子淨海、曰大政入道、納其  
女為中宮生男、為太子、重盛為內大臣、少子宗盛  
右大將、一門貴盛、法皇厭之、治承中大納言藤原  
成親等、勸法皇、圖平氏、清盛將幽法皇於烏羽宮、

集其八條第、重盛開之、後至鳥帽直衣、不、擐甲而、入、衆、扣、其、衣、曰、何、不、被、甲、重盛曰、汝等、何以、甲、冠、賊、何、在、乎、清盛望見、有、慚、色、遂、被、黑、衣、掩、甲、襟、吐、甲、露、屨、正、襟、護、之、重盛既、諫、止、之、由、戒、將、士、曰、欲、從、公、赴、官、者、待、吾、頭、隕、而、後、發、已、而、重盛、病、薨、清盛、無、復、忌、憚、終、由、法、皇、逼、帝、傳、位、太、子、是、為、安、德、帝、清盛、以、外、祖、益、專、橫、朝、野、噤、然、終、至、於、亡、

鼠巢馬尾

萬頭觸髅、瞋目語、相公馬尾、巢黠鼠、當年悔釋仇家兒、放帟於岨、真誤舉、挾大凌小、激衆怒、鬼武小豎、未必武、天下誰不鼠化帟、

平氏末年、其第中多妖、相國一日獨坐、見階下有、

義義朝等之厲、又有鼠巢其、厭馬尾、問之、安倍泰親、泰親曰、子而犯、午、是、小、侵、大、之、兆、也、未、幾、源、賴朝、果、起、賴朝、義朝、子、小、字、鬼、武、平治之亂、被、捕、殺、死、流、伊、豆、時、人、觀、其、風、亦、曰、是、猶、故、帟、於、野、後、遂、滅、平、氏、開、府、關、東、官、至、右、大、將、征、夷、大、將、軍、

鵝鴨起

我弓弱、君弓五夫張、我箭短、君箭十扶長、赤幟如伏、白幟揚、鵝鴨起、赤幟奔、白幟不追、却東還、鵝鴨代君、一出力、君不欲飛、唯養翼、

右大將之起、平相國使、嫡孫、維盛、帥、兵、東下、與源氏、軍、夾、富、士、川、陣、相、持、未、戰、維、盛、問、齊、藤、實、盛、曰、汝、諳、東、事、東、人、挽、強、如、汝、者、幾、何、曰、如、臣、箭、屋、十、三、扶、月、東、兵、矢、十、五、扶、弓、五、人、力、者、一、隊、不、下、十、

餘人平軍皆憚一夜水鳥群起師驚而潰右大將亦不肯追引兵而還入據鐵倉已而其從弟義仲起於信濃先入京師平宗盛奉族挾安德帝西奔右大將蒞其兩獎而并治之源氏旗用白平氏旗用赤

### 鼓擊余

使鼓擊余寧余擊鼓法住寺前箭如雨五萬士馬屯京師官不給糧唯掠鹵兒拳一試猛帟牙中軍之鼓情渠搥

源義仲既入京鹵掠不止後白河法皇患之遣河平判官平知康誥之知康善鼓稱鼓判官義仲罵曰鼓汝欲被擊乎知康還報曰義仲反形已具法皇怒徵兵討之使知康督軍事義仲聞之謂將士

口我以五萬兵衛京師官不給糧而責我抄掠今我不擊鼓鼓將擊我乃率兵圍法住寺發火攻之知康先遁官軍遂敗義仲幽帝及法皇右大將遣其二弟範賴義經將兵討滅之

### 逆櫓

海風打船船腹穿東兒慣馬不慣船前設順櫓卻逆艖公唯直前是豬武猪那鹿那君奚疑為鬼為蜮君未知

源義經以右大將令率舟師討平氏東兵不習水戰憚於進梶原景時監軍進策曰請造逆櫓以便進退蓋施櫓軸進退互用也義經曰戰陣務進猶恐或退况可逆設走計哉景時曰進退當可是為良將徒務冒進是猪武耳義經怒曰猪那鹿那吾不自知吾唯知進而勦敵為快而已景時不答

而退、衆目、咲之、景時、啣之、遂構、陷義經云、

### 大天狗

上皇宮下朝衛尉、箭在箠三集、曹蠅、許汝募兵討同  
氣一行詔出無計、貫貫以六十州追捕使、攬捨下垂  
猥猥吼誰把王綱、自解紐、自有第一大天狗、

源義經為左衛門尉、既夷平氏居京師、掘河第、有寵於法皇、右大將忌害之、令僧昌俊夜襲之、義經力戰却之、直往奏、變於法皇宮、曹帶流箭如蝟毛而箠屢餘三矢、遂迫請討、賴朝宣責法皇、許之事、開鎌倉、右大將即讚、大兵西上、至黃瀬河、開義經既奔而逃、右大將怨法皇、下討、已宣責、移書關白、藤原兼實、請罪、法皇曰、是非朕所知、恐是天狗所為、平、右大將曰、日本第一大天狗、自有在鳥時平

氏餘黨、伏、臣諸國、義經亦不知、所往、海內復騷然、右大將以此奏請、國司置守、護庄園、置如頭、所在追捕、世稱、右大將、為六十六國總追捕使、自是大權歸於武門矣、

### 獅子身中蟲

獅子威百獸、草木靡腥風、啖盡百獸啖已肉、不啖自家身中蟲、此蟲寄居金毛裏、獅子已斃蟲不死、

大江廣元、家本儒流、不得志於朝、開古大將起、與三善康信等、往而仕之、滅平氏、創霸府、軍國大事、身其河建、識、右大將性忌刻、晚年兄弟皆被殘害、廣元不敢爭、及右大將薨、北條氏圖篡、廣元中立而陰贊之、藤原兼實嘗云、賴朝委任廣元、恐猶獅子身中蟲也、

### 綠絳

工藤銅拍秩父鼓、幕中舉酒觀汝舞、一尺之布猶可  
縫、況此縹車百尺縷、回波不回阿哥心、南山之雪終  
古深、

源義經奔入芳野、寵姬靜從焉、使放逐京、時風雪  
失路、獲入鐵倉、右大將素聞其善歌舞、設宴唯問  
命之舞、姬固辭、強之再三、令工藤祐經擊銅拍子  
秩父重忠、越鼓、姬乃整衣上、場自唱、歌曰、賤兮賤  
賤之緒、卷縹回之昔、乎今爾成須由毛哉、又歌曰、  
芳野山、峯之白、雪、獨尔而入、爾之跡、所戀之  
義、蓋言慕義經一意、右大將不憚、欲殺之、以夫人北  
條氏言止焉、一尺布尚可縫、漢文移淮南王時  
謠、

尼將軍

尼將軍、手中念珠鈴、風雲小兒犬、大兒豚、屠宰狼藉  
血肉、乃弟狼、乃煙席、嗷煙食兒絕、今古、尼將軍、九  
世祖、不數蓄髮之尼姓是武、

右大將既薨、長子賴家、立為將軍、母政子、薙髮為  
尼、與聞政事、世稱尼將軍、此時北條時政、以外舅  
執權、遂廢賴家、幽殺之、立其弟實朝、實朝後為賴  
家子、公曉所殺、而免、源氏遂絕、皆出於北條氏之  
謀、時政子義時、孫泰時、相繼執權、傳九世而亡、  
唐高宗見太宗、官人武氏為尼、悅之、蓄髮入官、實  
則天、

吾妻鏡

吾妻鏡、將為擣杵、將為乘、小兒將軍、教易姓、一姓常

執兵馬柄君不見阿姊鏡買阿妹夢鳩啣金函鳳得  
鳳妻夢長吾夢短妻鏡明吾鏡闇

吾妻鏡書名又名東鑑載鎌倉幕府時事源氏  
既亡政子奏請左大臣藤原道家子賴經為鎌倉  
主甫二歲其後又請皇子為將軍概利其幼稚歲  
漸壯輒送還之更迎新主政推無大小在北條氏  
醜者後妻出右大將使僕贈書次女通情僕料情  
好不終私達之長女前一女次女夢鳩啣金函至  
竟吉之姊姊心動與之粧鏡曰請以買妹夢也果  
得右大將書遂通焉父時政欲置為奇貨知而才  
問已而助舉兵執幕府政權終篡其家

君好戰

子行留父父行留子十九萬人即日起大男海道小

男越硬弓快馬直指關君好戰獻戰士君猶不飽觀  
更二十萬坐在此吁哉乎誰非王臣子

後鳥羽帝高倉子承安德後既遜位憤北條氏專  
橫圖滅之竊遣僮押松諭旨關東諸將義時捕獲  
放使還報曰陛下好戰臣謹獻兵十九萬為戰陸  
下觀焉未厭於心猶有二十萬人在臣將親將繼  
之即發兵子行者留父父行者留子質之鎌倉令  
長子泰時自東海道次子朝時自北陸道並進犯  
關遠陷京師三上皇王子皆為其所執流廢九條  
帝立高倉帝孫是為後堀河帝時年踰承久謂之  
承久之亂

補窓紙

窓勿新糊破輒補老婦剪紙親辛苦我窓有格自父



祖及時綢繆誰敢侮、何知它日狂童手壞裂、風飄雨  
搖不可綴、

北條時賴、泰時孫、繼為執權、時賴母削髮居松下  
第一日、時賴將來、尼待之、手糊補窓紙、或曰、賊役  
何煩親手、且趁於補之、勞而少功、請以命工、全更  
之、尼曰、凡天下之事、久則必有弊、欲強更之、徒益  
騷擾、不如隨其破敗補之、吾欲以訓於兒輩耳、初  
泰時為執權、懼其破敗、補之、吾欲以訓於兒輩耳、初  
務數威德、以收人望、列置官屬、而代之、人心不服、  
聽斷傳至四世孫高時、濶肆紀綱、大壞為後醍醐  
帝所討滅、

蒙古來

筑海颯氣連天黑、蔽海而來者何賊、蒙古來、来自北、

東西次第期吞食、嚇得趙家老寡婦、持此來擬男兒  
國相摸太郎膽、如癩防海將士人各力、蒙古來、吾不  
怖、吾怖關東令如山、直前斫賊不許顧、倒吾檣、登虜  
艦、擒虜將、吾軍喊、可恨東風一驅附、大濤、不使羶血  
盡膏日本刀、

弘安中、元主既滅、趙宋來、使致書、求通好、事下鎌  
倉議、北條時宗幼字相摸太郎、時為執權、以書辭  
無礼、却之、元兵寇邊、殺掠人民、又致書、講和、時  
宗再斬其使者、以宗族實政為鎮西探題、督兵備  
元寇、元主大怒、發兵十萬來、寇入侵、太宰府實政  
拒之、河野通有等迎戰、仆檣為梯、登賊船、虜賊將  
而還、會大風、遽起、我兵因奮擊、塵之、得生還者、僅  
三人、外寇遂絕、本邦古名、磯、廬洲、磯、廬國語、男

見也

### 南木夢

夢南木夢覺君王心自卜、四外羽書雜飛、鏃擁衛萬  
 乘一木足、南木興、帝座寧、南木覆、帝座感、帝座已安  
 遺所庇、獲鹿喪、鹿真夢寐、老根蟠地護病龍、猶有由  
 孽戰北風

自後掘河十傳為後醍醐帝、帝陰謀討北條氏、謀  
 泄、東兵來犯、關帝逃於笠置山、徵兵勤王、少至者  
 帝憂懣、一夕帝夢紫霞殿南有一大樹、南枝最茂  
 有二童跪奏曰、天下唯有此可安帝坐耳、帝覺異  
 之、意有姓楠者、出輔帝位也、問之土人、乃得楠正  
 成、徵至、託以大事、終得其力、及帝還關、寵爵足利

高氏正成、官止廷尉、已而高氏反、再犯關、廷尉獻  
 策、朝臣沮之不用、戰死、湊川、遣戒其子正行、再圖  
 恢復、及帝南遷、依楠氏擁護、得偏安、五十年所

### 十字詩

君勾踐、臣范蠡、一樹花、十字詩、南山萬樹花、如雪重  
 埋鑿與無還期、蠡也自許亦徒為、誰使越王忘會稽  
 吳無西施、越有西施

北條高時之遷後醍醐帝於隱岐也、見鳥高德欲  
 要奪之不克、夜詣御館、自櫻樹書曰、天莫空勾踐  
 也、時非無范蠡、且日帝見之、欣然、知外間有勤王者  
 也、三、位局、藤原氏從、帝於隱岐、既還、益寵幸專  
 房、足利高氏深結之、遂構陷護良親王、中興事去、  
 帝再播遷、芳野山、山多櫻樹

東魚西鳥

東魚坐吞四海、日没西天三百七十日、西鳥吞魚海

宇一、何圖更有獼猴點、獼猴何能逞跳擲、君王羈策

用無術、

楠廷尉再舉兵、出陣天王寺、寺有上官太子識記、廷尉請而觀之、文曰、當人王九十五代、東魚來吞四海、日没西天三百七十餘日、西鳥來食東魚、海內歸一、三年、如獼猴者、掠天下、三十年、廷尉曰、賊亡、駕還不在、遠也、衆皆喜、遂如其數、蓋西鳥應新田義貞、獼猴應足利高氏、高氏初以望族、來屬官軍、帝寵異特至、駕取失宜、致其跋扈、

龍馬來

龍馬來、龍顏開、龍鱗一、批天震雷、天仗別有馬惡齧、尚方之劍不可乞、還笏而逝、猶戀闕、忍聞萬蹄再蹀血、龍馬斃、天步蹶、徒從誰、如元弘際、房星無精、日月晦冥、臣身在外、心在君、化為赤電、導君行、

中興之始、帝頗耽聲色、土木、足利高氏陰蓄邪謀、時有獻龍馬者、帝大悅、以為瑞應、偏示群臣、中納言藤原藤房、諫曰、方今主驕、臣諛、而茲雄窺隙、安知此馬非他日亂兆乎、帝作色而罷、藤房屢諫、帝不能、用、遂弃官而去、不知所終、是歲高氏果反、帝以龍馬名新田義貞、馬斃于道、及帝幽於花果山院、乘夜潛出、夜黑失路、遇有赤電照路、隨光南行、達于芳野、初笠置之、陷、帝突圍、夜逃、將投楠氏、扈從皆後、唯藤房及弟季房、徒跣扶行、路為北條氏兵所獲、

土窟

土窟窄幾尺、何如經函、匿身時、經函土窟皆廣大、無  
奈君心不容兒、冤血指天不得達、穿地到泉、泉九沸、  
誰致日月山川萬姓再視、却遣此兒土中死、

護良親王、初勸帝討北條氏、及笠置陷、逃南都、般  
若寺、六波羅遣兵索之、親王匿經函中、脫走芳野、  
起兵、敵、釋諸將、勤王、恢復之功、親王居多、中興後  
足利高氏忌親王威名、誣以謀反、帝怒囚之、親王  
上書、訴冤、有仰欲訴天、日月弗照、不孝之子、俯將  
哭地、山川弗載、無禮之臣、之語、有司不敢奏、帝遷  
之鎌倉、付足利高氏、弟直義、監護焉、直義幽之土  
窟中、無幾、何乘亂、使人害之、

翻覆手

翻手予覆手、奪擁闕士心、如飢渴血戰不及歌舞兒、  
薄海無復地、立錐、莫道此地是、君有、天子天奪翻覆  
手、

中興之事始定、元功諸帥雖受厚封、而自餘將士  
群聚闕下者、未論功賞、內旨已分、北條氏遺地、盡  
賜親王、妃御及內臣、歌童舞妓等、無復寸地、廷議  
領與者、旋復奪之、時人謂之翻覆手、綸旨、赤松圓  
心、以功除播磨守護、已而被禘、圓心怒、降足利高  
氏、據白旗、城、新田義貞、攻之、諭以為奏、請赦、貞復  
其守護、圓心伴降、繕守備、既成、復叛、曰、我既得之、  
將軍矣、安用此翻覆手、遂不降、

劍截箭

腰間雙劍繞頭舞、電光橫截箭如雨、臣身自許係安

危、臣胄容受賊箭集、下馬授公公且奔、國不唯報  
公息、無奈重腫却翳昏、不庇克用庇朱温、君不見天  
子雖醉天不醉、裔孫却管此天地、

足利高氏再入寇、新田義貞拒之、兵庫敗退、據求  
塚、義貞馬斃、賊環而兩射之、義貞手揮雙劍、截十  
六矢、有小山田高家者、反戰授其馬、自留死之、義  
貞得間脫走、高家卒、嘗刈民麥、犯軍法、當斬、義貞  
惜其材武、叙而用之、故高家以死報之、新田足利  
兵爭、肖似唐末李恭、足利氏傳十三世而亡、海  
內終歸新田氏、

烏頭白

烏頭白、白頭北望舊京路、鳥飛可到唯咫尺、南山北

山君奚擇、七道山河皆王迹、王子手握征東軍、盍擊

鷓鴣巢、覆巢宅、烏頭雖白、烏尾不白、唯見山花萬疊白、

南山行宮、有白頭鳥、其鳴如呼、還幸時、有為歌者、  
曰、還幸止、鳴也、芳野之山、鳥頭毛白、尾毛白、之世  
哉、尾毛白、國語可喜也、行宮君臣相慶、以為北轅  
之兆、大凡南遷以來、國論急於復京、數復數失、不  
能滅賊、時皇子宗良為征東將軍、新田氏奉之、  
懷良為征西將軍、菊池氏奉之、

吾是壘

公是劍、吾是壘、不妨白板樹、天子天潢不流、誰認津、  
目無宗廟有權臣、借問君壘刻何文、

初、足利氏開府京師、別擁立皇胤、謂之北朝、北朝  
後、光嚴帝立、時三神器在南、山議者以即位、久恒

禮難之、関白藤原良基曰、國家以高氏為劍、良基為重、何患、議乃決、及南北講和、後小松帝愛神器於後龜山帝、然後大統歸、一傳於無窮云、

六不一

天下六分吾居一、百計無如背叛吉、汝負天子吾負汝、有底軍法屈吾膝、噫嘻勿慣兩世不用戈、將軍生歲在戊戌、借問幕中誰謀主、禪榻呼起老阿父、

足利高氏子義詮、孫義滿、相繼為將軍、此時諸將山名氏最富強、反覆无常、畧取山陽山陰、地跨十州、世呼曰六不一、謂六不一海內而有其也、時人為語曰、欲大其家、其善於叛、至於氏清、又負功驕蹇、義滿謂讓之、遂舉兵犯京師、義滿討斃之、時年號明德、謂之明德之亂、初高氏義詮御諸將、有恩

無威、義滿以後、震我奉法、義詮臨終託義滿於細川賴之、戒義滿曰、與汝一父、足利氏成、霸皇統、合一、賴之力居多、嘗連讒罷職、就國作詩曰、滿室蒼蠅掃難去、起尋禪榻卧清風、後復名歸委任之、无幾氏清伏誅、義滿生歲戊戌、字皆从、尤世以為以尤、戰靖世之兆、

兩塊肉

影前抽刀哭聲長、臣腹可屠無他腸、不果屠汝腹、却屠哀哀兩塊肉、乳媪無刀在手裏、猶能即時噬舌死、

義滿傳子義持、義持無嗣、立其弟為僧者、養髮、曰義教、族持氏、立不得、有異心、初高氏以少子基氏為鎌倉主、子孫相繼、管領關東、四傳至持氏、與其執事上杉憲實相繼、遣兵攻之、憲實訴於京師、幕府義教下教三道、出兵助憲實、持氏遂欺乞降、憲實幽之永安寺、為請宥其死、幕議不可、迫使

自殺、憲實代為、開東管領、而悔殺其主、自詣永安寺、持氏影堂、抽刀欲自殺、從者止之、乃削髮退居野、依結城氏、謀復父讎、河在遺臣、起兵應之、義教再命、憲實起視兵、遂攻陷結城氏、二孤脫走、為上杉氏兵所獲、檻送入京、途而遇害、持氏猶有一子、逃、匿信濃、義教名乳母、詰問之、乳母不答、啗舌而死、

烏鬼舞

將軍樽前舞烏鬼、舞曲酣、伏兵起、坐者興、興者死、杯盤與血兩狼藉、踰垣走者足跡赤、吾身雖短、三國主、今日之事、公自取、誰知天數復、乃祖、今日賊、昔日父、

足利義教性猜暴、赤松滿祐為人矮陋、義教常呼之曰三尺入道、滿祐有備播作三州、嘗侍宴託醉

誦曰、軀矮勿侮、三國之主、義教益惡之、時幕府多恠、空室中有偶人數十、舞散樂如鶉、詞曲忽而不見、後義教欲刺滿祐、色與之、驛人滿祐聞之、大怒、伏甲共第、請義教享之、酒酣、觀散樂、至鶉詞、而甲發、義教驚起、兵搏而伏之、曰、今日之事、公自取之、遂奪之、一坐侍臣、拔刀起、者皆見殺、諸將斯波義廉等、被創、越垣而逃、滿祐歸、據白旗城、諸將立將軍義勝、遣兵討滅之、山名持豐最有功、高氏西奔時、深結赤松圓心、呼之曰父、滿祐圓心曾孫也、

頭戴脚

衛佐頭、衛督脚、汝頭宜戴、迺公脚、持息不唯、內宴爵、我有、兀兮、彼有牙、細川之水、非濡弱、黑風血、迸十萬、家人頭、累累八輛車、西陣東陣、日幾戰、大海以內裂、

如瓜將軍獨闖東山茶

足利義政、義教子、及義勝、立為將軍、無子、立弟  
 義祝、為嗣、以細川勝元、執事、已而生子、義尚、欲立  
 之、託之、右衛門督山名持豐、持豐時與勝元相惡、  
 因誦之、先是、畠山持國、無子、養侄、政長、為嗣、任尾  
 張守、已而生子、義就、為右衛門佐持國、愛之、欲廣  
 政長、政長自託於細川勝元、為請立、政長、義就奔  
 河內、持豐聞其勇、欲以為助、請復之、或夜題義就  
 門曰、右衛門佐、持豐戴二物、御所之、盃、山名之、脚、時  
 幕府借、稱御所、義就意、政長等、所為、相隙、益甚、遂  
 各集兵、其第、都下、騷擾、幕府令曰、政長、義就、宜、獨  
 身決戰、諸將、不得、援、二人戰于御璽林、持豐、陰遣  
 人助、義就、勝、元、不、援、政長、政長、竟、敗、走、時、人為、之  
 語曰、細川、宜、政、洲、股、川、寧、尾、張、是、此、川、勝、元、深、愧  
 之、徵、其、管、內、兵、其、黨、皆、名、兵、相、撲、持、豐、亦、如、之、勝  
 元、弟、在、東、持、豐、第、在、西、謂、之、東、西、陣、自、是、戰、爭、無  
 虛、日、一、日、兩、陣、出、兵、爭、相、圍、寺、終、日、血、戰、西、陣、收

所獲首級、載之以車、八輪、如此者、十餘年、持豐、勝  
 元、皆、死、兩、陣、初、散、事、起、于、應、仁、元、年、謂、之、應、仁、之  
 亂、將軍、義政、素、喜、茶、事、退、居、東、山、起、銀、閣、宴、詠  
 度、日、足、利、氏、號、令、不、復、行、海、內、矣、

新國君

新國君、舊家老、新舊有辨、驕我早、三家分國、建為君、  
 莫尤此語太顛倒、舊管領制新將軍、從來有此榜樣、  
 好、君、不、聞、足、利、之、竟、由、尾、大、尾、端、有、尾、更、不、掉、

斯波義繼、天、無、子、以、族、義、敏、為、嗣、家、有、三、老、曰、甲  
 斐、織、田、朝、倉、三、老、不、喜、義、敏、每、病、罵、之、曰、新、主、人  
 何、無、禮、於、舊、家、老、也、遂、逐、之、立、其、子、松、王、義、敏、去  
 依、大、內、氏、初、足、利、氏、多、割、土、地、收、人、心、細、川、斯  
 波、畠、山、氏、更、為、管、領、將、軍、拱、手、受、成、後、三、家、各、為  
 其、家、臣、所、奪、



蘆雜茹

蘆荻邪、菅芴邪、澤涸成、郊邪、聯句纒成羽書至、呼鞭而起、筆輒拋、亂極陪隸出英雄、用兵何減岐阜公、陵谷變化流品雜、誰辨荻茅同一叢、何至操柄授賈豎、兒遺毒、姪受盡、禍水騰齧上將府、

三好長慶代其主細川氏擅幕政威權一時無比一日其弟實休與高山高政戰敗死長慶時在飯成城方會客聯歌客唱曰雜於薄葦之一叢長慶常統之報至誦畢置坐側從容成句曰枯沼之自淺方野止成而乃謝客曰家弟今日戰死矣不可不往也即提兵赴之遂大破高政還松永久秀西岡賈人姦佞多智長慶愛之委任家政長慶子義長有才久秀忌之乘長慶病篤竊毒殺之更養

長慶弟子義繼為嗣益專權遂擁之弒將軍足利義輝後並為右府所誅織田右府初據美濃岐阜後居近江安土織田三好皆足利氏陪臣

攬英雄

主將務攬英雄心、一語於我是金鍼、汝勿復說吾會意、人和終得八州利、君不見兒孫唯恃函山翠、

伊勢宗雲仗劍東行略有伊豆取小田原據之盡食八州子孫遂滅上杉氏宗雲嘗使儒士說黃石公三略其首有言曰主將之法務攬英雄之心宗雲曰止矣吾既得之矣乃不復使說

破戒頭陀

破戒頭陀流竄措紳、汝敢罵君吾殺汝、大義滅親真

純臣何識螟蛉不類螺贏毒如蠱尾欲如火大寧寺  
嚴烏祠獬犬肉供英雄資嗚呼生子當如毛利兒

大內義隆家世雄西道居周防山口義隆性大弱  
耽歌詠又好佛不修武事家老陶持長常憂之其  
子義清常竊罵曰是破戒頭陀流竄播紳耳持長  
和共逆心藥殺之更養姪晴賢持長既死晴賢  
與義隆相嫌隙遂舉兵攻陷山口義隆兵潰走  
入大寧寺自殺毛利元就起於安藝威名日熾義  
隆臨死遺書託以復讐元就乃奏請討晴賢諫大  
戰于嚴島誅殺之關西風靡至略有三十三州

胡蝶軍

胡蝶軍飛還聚飛去飛來江南路蝶來非是關東風  
西人自誇捕捉功東風却吹朱氏火扶桑產虫可憐

蟲

足利氏時不逞之徒航海入明抄掠江南善伏兵  
草莽間出沒無方常舉扇為號明人患之號曰胡  
蝶軍明人鄭子龍來寓我平戶生子成功及清  
攻明成功入援屢破之然後保臺灣

筑摩河

西條山筑摩河越公如虎峽公蛇汝欲螫吾已瞰八  
千騎夜衝暗曉露晴大旗掣兩軍搏山欲裂快劍斫  
陣腥風生席吼蛇逸河噴雪傍有毒龍待其蹙

長尾謙信起於越後畧有北地冒姓上杉善用兵  
甲斐國主武田信玄與之勦敵爭信濃連年不決  
謙信出陣于西條山信玄陣筑摩河側潛兵為  
二繞襲其背謙信謀知之乃置疑兵山上夜啣枚

涉河、壓信玄營而陣、黎明甲軍見謙信牙旗在前、大驚於是、大戰獲信玄、謙信牙兵每不過八、于、織田右府、窺山東、日久、憚二人不敢發、及二人前後死、乃次弟圖之。

### 皮履兒

據鞍橫鞞北海月、一檄姦雄膽破裂、公能得志皮履兒、北人之技公未知、竢我明春雪解南出師、出師必捷身先死、不向中原一試技、蹂踐北海却皮履。

上杉謙信既克能登時、屬九月十三夜、月色清朗、置酒高會、自作詩曰、霜滿軍營、秋氣清、數行過雁、月三更、越山并得、能州景、遮莫家鄉憶遠征、時謙信有入京之志、乃贈織田右府書曰、公數與畿內、畿戰、未視北人技倆耳、請期明春三月某日、聊舉八州兵、西上與公相見、公勿視謙信同皮履兒、時

京人喜皮履故云、謙信臨發病作卒、右府令將士乘機進取

### 吉法師

吉法師、無所師、墮地披鎧、不披緇、心悟不參古兵法、斐列群豪開九達、擎日荆榛底、再挂扶桑枝、交蒂倒輝妙法旗、莫恨盤根錯節、利劍折、後霸盡師吉法師。

吉法師、織田信長小字、信長起于尾張、時足利氏失政、海內不裂、京師頹弊、信長慨然有戡定之志、天子聞其威名、使齋詔諭、信長乃引兵入京、十餘日、京畿盡定、旗書南無妙法蓮華經七字、後官至右大臣、足利氏既滅、織田氏代之、創業未半、右府遇弒、豐臣氏踵起、太平有濟、其規模大畧、蓋皆效右府遺意云、

桶子峽

士銜枚馬結舌桶峽如桶雷聲裂驕龍喪元敗鱗飛  
撲面腥風雨耶血一戰始開機亂機萬古海道戰氛  
滅唯見血痕紅絞纈

今川義元國官兵強將大兵攻尾張軍桶峽織田  
右府以三千兵迎戰自間道伏旗鼓直襲敵營全  
雷兩大作鼓噪乘之斫營而入獲義元自是右府  
威名大著遂成霸業嗚呼釋在桶峽側出絲纈  
有名

兩雄頭

設匣血模糊擎出兩雄首有此好下物誰辭滿酌酒

百戰總得其一觴醉時不及戰時長

右府經畧近畿淺井長政朝倉義景合謀沮之連  
年轉戰江越間遂為右府所滅天正二年正具近  
畿將士來賀于岐阜右府賜之酒酒半謂將士曰  
我有佳者為諸君備一杯乃命取一盃手開之則  
義景長政首也諸將皆曰有此好下物何辭滿酌  
也極飲而罷

天目山

天目山頭鼓聲死萬槩指天革亂矢乃爺有志豎子  
繼送頭遙向京城市個兒猶被敵手屠君家豚犬死  
家奴

武田信玄既死子勝頼剛愎自用將士解休織田  
右府大舉入甲斐勝頼逃保天目山終見攻殺右

府見其首罵曰乃父一生以入京為志吾使豎子繼之也乃棄之於京師右府後遇害諸將擁立嫡孫秀信兩叔信雄信孝爭權相鬪諸將各黨援之交相屠滅

啗饅頭

好男兒攝津十三郡任汝剪取之既取殺汝豈無辭

知吾啗饅頭不知啗攝州擬劍向喉機已伏有人擬

劍向君腹

葦木村重攝津豪傑初謁右府右府壯其貌會獻饅頭者右府拔刀貫饅頭於鋒以啗村重村重開口受之右府咲曰好男子攝津十三郡任汝剪取之村重竭力攻討遂取攝津大半後為右府所滅右府以術取之猜刻少息諸將人人自危遂有明智之難

本能寺

本能寺溝幾尺吾就大事在今夕菱粽在手併菱食

四簷椽兩天如墨老阪西去備中道揚鞭東指天猶

早吾敵正在本能寺敵在備中汝能備

明智光秀數為右府所斬辱深懷怨望時羽柴秀吉以右府命西征毛利氏在備中右府自將繼之令光秀等會於途親以小隊館京師本能寺光秀受命歸丹波時方梅雨夜會愛宕西坊為聯歌其首章云時者今天下知五月哉或供糒焉光秀不脫衣而食卒然問人曰本能寺溝深幾尺衆異之既還即發兵宣言奉命西征夜度老阪右折則走備中道也光秀乃左馬首而馳至桂川舉鞭東指賜言曰吾敵在本能寺矣衆始知其叛也味爽圍本能寺遂殺右府秀吉聞變與毛利氏和東上誅

故光秀

### 挈鞋奴

挈鞋奴面如狙，舍鞋執旄，從風呼，掌心逆理貫中指，  
 六十六州手卷舒，馴龍玩席有餘力，却向冥海掣鯤  
 魚，何知金甌缺且破，當言得失皆自吾，嗟哉乎操持  
 無術君無怪，鞋與天下無小大。

木下藤吉尾張民家子，求仕右府，右府執視，笑曰：女面類猴，其心必捷矣，乃收為奴，常挈鞋以從，遂擢列將帥，改姓名羽柴秀吉，連樹大功，連遇事，終代織田氏朝廷賜姓，豐臣任關白，致仕於太閤，太閤西伐東討，混一海內，而性喜侈大，末年攻朝鮮，窮兵黷武，屢傳二世而亡，世稱太閤掌中有直

理逆上中指，蓋掌握天下之相也。吾國家如金甌，未嘗損缺，自吾得之，自吾失之，亦無所恨，皆梁武帝語。

### 罵龍王

咄汝海龍王，敢拒王師東運糧，咄汝北條虜，比我平  
 家白面豎，天子節刀在手中，陸屠猾賊，海屠龍，莫啞  
 相公面假鬚，猙獰猶存舊人奴，奴握四海非奴力，祖  
 宗生汝匡王國。

太閤既戡定關西，東諸侯亦皆送款，獨北條氏政恃險遠，拒命不來，曰：昔者平軍東下，至富士川，聞鶩鴨起而鶩濱，聞白亦如此，爾大閤聞之，怒曰：氏政敢以我比平家乳臭兒邪？乃奏請東伐，海運兵

糧時舟路久絕，衆憚風濤，曰：海龍王為崇，大閭咲曰：何物龍王，敢得沮王師哉？作檄投海而過，王制命將討賊，必授節刀，此禮久廢，太閣復舉之，陸受節刀，誓師而發，自裝假鬚，以助威容，遂平關東，斬氏政，梟首于京師。

碧蹄驛

平壤城碧蹄驛，明軍乘勝如捲席，一隊壓尾萬刀橫，斫人如草刀有聲，據鞍海外供頤指，老臂一攘聊復爾，噫不使此翁執鼓旗，兩度都付乳臭兒。

朝鮮之役，小西行長取平壤，據守之，明使李如松，張之，我諸將保國都，獨小阜川隆景不肯，曰：余老矣，死不足惜，以三千兵邀擊于碧蹄驛，如松慣平壤之勝，舍火器輕進，我軍短兵接戰，刀槩犀利，縱

橫揮擊人馬皆倒，大破明軍，殆獲如松，明請和於我，本此戰也，朝鮮二役，浮田秀家、羽柴秀秋、更為元師，少年不更事，諸將莫所統攝，故無成事，隆景、毛利氏族將，老鍊兵畧，役屬豐臣氏，蓋非其心所樂也。

夜又来

夜又来，兒勿啼，王子王孫供菹醬，夜又去，心如佛，齋顏返，致琿與肆，何知夜又有，冤淚如雨，君前畫地，地震怒，汝非夜，又吾軀，席兮虎兮真類，吾鷄林敢恨，失雙雛，蜻洲不啜此短狐。

加藤清正驍勇冠諸將，幼字席之助，韓人最畏之，号曰夜叉上官，攻咸鏡道，虜韓二王子琿、肆，會和

成罷兵放還韓人謝書有慈悲如佛之語石田三成與小西行長俱沮敗其功太閤信之不許見會伏見大風地震清正呼之曰阿市若來何速清正因前地而坐目清正呼之曰阿市若來何速清正因前訴冤畫地陳其戰勞太閤意漸解願夫人曰阿市襪祿育於我乃類我也命守其門諸將踵至不得入特命納三成清正大聲令曰使短小倭豎入三成身矮故云

### 裂封冊

史官讀到日本王相公怒裂明冊書欲王則王吾自了朱家小兒敢爵余吾國有王誰覬覦叱咤再蹀八道血鴨綠之流鞭可絕地上阿鈞不相見地下空唾恭獻面

朝鮮之後小西行長納沈惟敬和議謂太閤曰明人畏殿下威遂上尊号太閤乃許之大城伏水延見明韓使者名僧承允且諱之兼允不聽讀冊至文與和議或有異同且諱之兼允不聽讀冊至曰封爾為日本國王太閤大怒取冊扯裂之曰吾掌握日本欲王則王何待髯虜之封且吾而為王如天朝何即日逐明韓使者下令徵兵復伐朝鮮足利氏以來外國通信驟用僧徒朝鮮不八道鴨綠江在明韓界太閤本意欲假道朝鮮而窺明也明神宗名翊鈞足利義滿嘗受明冊封明人謚之曰恭獻

漢魏歌謠短節勁音至敕勒歌絕響繼之者唯杜與韓而張王接武其餘大抵不過相襲陳套元明間揚廉夫張光弼李賓之諸人用以詠史新異可



喜然張揚聚典而已、或挾牛鬼蛇神以眩人、其實淺易與二十一史彈詞相去無幾、唯李本事外不贅多語、而暗藏議論、見處最高、最近於古、所病雷同與理語近、儉耳、然連篇累什、勢或至此、後來尤展成明史樂府、亦續李而作者、雖氣魄不及、亦足覽一代盛衰、要之是等詩有益學者、不為徒作也、今茲臘尾、人忙我閑、就國乘中、掇取題目、得六十六闋、如我州數、我國風氣人物、何必減西土、恨余詞鄙俚率薄、不足齒漢兒、然人苟耐讀、盡頭至尾

於治亂之機、竅名教之是非、或可以小喻大、客曰、然則是模擬李尤耶、余哂不答、見研傍銅瓶、插蠟梅、指問客曰、渠香色固讓梅矣、然天地所置、日月所照、各會一造化、乃曰汝擬梅也、渠當肯否、曰不肯、

戊子嘉平月二十八日山陽外史賴襄識



